

Saradnja Internacionalnog Burch Univerziteta i "Apeirona"

## ODRŽAN 4.FORUM O DOMAĆOJ PROIZVODNJI

Univerzitet "Apeiron" bio je partner ovogodišnjeg Foruma o domaćoj proizvodnji, koji je održan 13. maja u organizaciji Studentskog poslovnog kluba Internacionalnog BURCH univerziteta iz Sarajeva. Partneri su ove godine bili i Privredna komora Republike Srpske u kojoj je Forum i održan, Privredna komora Federacije Bosne i Hercegovine, udruženje „Kupujmo i koristimo domaće – kvalitetno proizvedeno u BiH“.

U panel diskusiji na temu : „**Kvalitet – Recept za uspjeh**“ učestvovali su predstavnici Vitaminke, Bimala, Agencije za sigurnost hrane u BiH i Udruženja „Kluba potrošača“).



U toku diskusije panelisti su posebno obratili pažnju na potrebu poboljšanja kvaliteta pojedinih proizvoda ali i na povećano brendiranje dovoljno kvalitetnih. Dotakli su se i pravnih regulativa ali i EU standarda bez kojih se sigurno ne mogu preći granice Bosne i Hercegovine.

U obraćanju prof. dr Sanela Jakupovića, dekana Fakulteta poslovne ekonomije Panevropskog univerziteta, istaknuto je da je za pokretanje čitavog niza procesa koji bi trebali voditi ka progresu i unapređenju privredne aktivnosti u Bosni i Hercegovini veoma važno uključiti kvalitet domaće proizvodnje, kao jednu od ključnih determinanti za postizanje ciljnih efekata.

- Stoga smo trajno opredjeljeni da u statutarnoj i politici kvaliteta našeg Panevropskog univerziteta Apeiron, koja je usvojena i primjenjuje se po najvišim domaćim i međunarodnim propisima i standardima, ugradimo sve nepochodne elemente koji će omogućiti oblikovanje i isporuku znanja i vještina studentima, nastavnicima i drugim korisnicima naših usluga u onoj sadržajnoj mjeri kvaliteta, koja je presudno bitna za inovacije, ciklično i kontinuirano stvaranje novih vrijednosti i postizanje dugoročne

konkurentnosti naših humanih (ljudskih) resursa kao naših outputa, tj. stručnjaka sa novim dodanim vrijednostima na tržištu rada. Jer se samo sa tako izgrađenim visokostručnim i obučenim humanim resursima može postići zadovoljenje kvaliteta i u korištenju tehnologija, te materijalnih i prirodnih resursa u smislu pretvorbe inputa u outpute i zadovoljenju potreba probirljivog i visokosvjesnog potrošačkog društva u zemlji i inostranstvu, tj. u globalnim razmjerama, naglasio je dekan.



Svi učesnici Foruma pozvali su domaće proizvođače da posebnu pažnju poklone kvalitetu, a građanima kupovini domaćih proizvoda jer se samo tako možemo unaprijediti prosperitet Bosne i Hercegovine.

Banja Luka, 16. maj 2016.godina

Služba za odnose sa javnošću